

17.05.2024 17:30



Հարգելի փաստաբաններ,

Այսօր, 2024 թվականի մայիսի 17-ին ՀՀ ԱԺ տնտեսական հարցերի մշտական հանձնաժողովի նիստում հավանության արժանացավ «Հայաստանի Հանրապետության հարկային օրենսգրքում փոփոխություններ և լրացումներ կատարելու մասին» օրենքի նախագիծը, որի առնչությամբ ՀՀ փաստաբանների պալատը բազմիցս բարձրայնել է դրա խնդրահարույց լինելը.

Նախագծի ընդունման արդյունքում

- Շեշտակի կբարձրանա փաստաբանական ծառայությունների ինքնարժեքը, հետևաբար և գները.

- Կբացառվի անվճար իրավաբանական օգնության տրամադրման (pro bono) հնարավորությունը, քանի որ այն նույնպես ենթակա է լինելու հարկման.

- Անհամեմատ կավելանա Հանրային պաշտպանի գրասենյակի դիմողների քանակը, որն էլ իր հերթին ավելացնելու է պետության ֆինանսական պարտավորության բեռը.

- Էականորեն կնվազի քաղաքացիների իրավաբանական օգնություն ստանալու մատչելիությունը և դատական պաշտպանության իրավունքի իրացման հնարավորությունը:

Պետք է փաստել, որ ՀՀ փաստաբանների պալատը Նախագծի խնդրահարույց ասպեկտների մասով առարկությունները և դիտողությունները, ի թիվս այլ մարմինների ներկայացրել էր նաև ՀՀ ֆինանսների նախարարություն և ՀՀ ԱԺ պետաիրավական հանձնաժողովին:

Դիտարկումների փաթեթը ներկայացվել էր նաև ՀՀ ԱԺ նախագահին՝ խնդրելով Նախագիծը քննարկելիս հաշվի առնել ներկայացվածը և ՀՀ փաստաբանների պալատին մասնակից դարձնել տնտեսական հարցերով մշտական հանձնաժողովի նիստին:

Սակայն, ՀՀ փաստաբանների պալատը չիրավիրվեց Հանձնաժողովի նիստին, իսկ նիստի ընթացքում էլ հայտարարվեց, թե իբր Նախագծի առնչությամբ դիտարկումներ չեն ներկայացվել:

Հաշվի առնելով, որ Նախագիծը ԱԺ ներկայացվել է անհետաձգելի ընթացակարգով և սեղմ ժամկետում

այն ներկայացվելու է Ազգային ժողովի լիազուստ
նիստի քննարկմանը, ուստի նկատի ունենալով ս.թ.
մայիսի 16-ին ակումբի նիստով
ընդունված հայտարարության կենսագործման
անհրաժեշտությունը՝

2024 թվականի մայիսի 21-ին ՀՀ փաստաբանները
ձեռնամուխ կլինեն բողոքի ակցիայի
իրականացմանը՝ հրաժարվելով Հայաստանի
Հանրապետության պետական մարմիններում (այդ
թվում՝ դատարաններում, նախաքննության
մարմիններում) պաշտպանություն կամ
ներկայացուցչություն իրականացնելուց՝
պահանջելով Ազգային ժողովից հանել
փաստաբաններին
վերաբերող խնդրահարույց իրավակարգավորումները
:

Նշված օրը ՀՀ փաստաբանների պալատում
կանցկացվի մամուլի ասուլիս:

ՆԱԽԱՁԵՌՆՈՂ ԽՈՒՄԲ

Վերադառնալ \$(window).load(function(){ if(typeof \$(".fb_comments_count").html() != "undefined" &&
parseInt(\$(".fb_comments_count").html()) != 0){ updateCommentsCount(window.location.href); } })